

## Z A P I S N I K

Sa nastavka konstituirajuće sjednice Skupštine Bosansko-podrinjskog kantona Goražde, održane 23. decembra 2010. godine u sali Skupštine Bosansko-podrinjskog kantona Goražde, sa početkom u 11:00 sati.

Sjednici Skupštine Bosansko-podrinjskog kantona Goražde prisustvuje 23 poslanika, i to: Frašto Emir, Mujković Dževida, Adžem Dževad, Došlo Suad, Kožo Mersudin, Nemeć-Klisura Vesna, Kurtović Mustafa, Halilović Adis, Agović Adis, Urući Nazif, Mulaćmetović Alma, Borović Mensud, Žuga Damir, Turčalo Mehmed, Brdar Kasim, Popović Sevdal, Gušo Sabina, Marić Osman, Omanović Muamer, Fejzić Edim, Mujagić Rasim, Čurović Redžo i Kulović Ahmet.

Izostanak sa sjednice opravdali su poslanici: Imamović Demir i Milović Daliborka.

Pored poslanika Skupštine Bosansko-podrinjskog kantona Goražde sjednici prisustvuju: Sekretar Skupštine Bosansko-podrinjskog kantona Goražde Bašić Midhat, sekretar Vlade Bosansko-podrinjskog kantona Goražde Sijerčić Emir, ministri u Vladi Bosansko-podrinjskog kantona Goražde: Pleh Muhidin, Sipović Nusret, Delizaimović Alma i Janković Radmila, predstavnici Njemačkog LOT tima, predstavnik OSCE-a, predstavnik CCI-a, te predstavnici sredstava javnog informisanja.

Skupštinom Bosansko-podrinjskog kantona Goražde predsjedava predsjedavajući konstituirajuće sjednice Alija Begović, a zapisnik vodi Burhan Safeta.

**Dr. Alija Begović** - Predsjedavajući konstituirajuće sjednice

Poštovane dame i gospodo, dopustite da vam pozdravim i poselamim i da započnemo sa nastavkom konstituirajuće sjednice Skupštine Bosansko-podrinjskog kantona Goražde. Pozdravljam sve prisutne, još uvijek aktuelne ministre u Vladi Bosansko-podrinjskog kantona Goražde, predstavnike međunarodnih organizacija, LOT tima, predstavnike medija, kao i građane Bosansko-podrinjskog kantona Goražde koji naše zasjedanje prate putem Radija Bosansko-podrinjskog kantona Goražde.

Konstituirajuću sjednicu, nakon davanja svečane izjave, prekinuli smo kako bi se konstituisali klubovi naroda i Ostalih. Imamo konačna izvješća iz kojih se vidi da su klubovi konstituisani, te da su radnje koje su bile potrebne da se obave u klubovima, također, izvršene.

U ponudjenom dnevnom redu o kojem smo se informisali na prvoj sesiji konstituirajuće sjednice, prva tačka koja je trebala da se obavi bila je izbor predsjednika i zamjenika predsjednika klubova i druga tačka predlaganje kandidata za predsjedavajućeg ili zamjenika predsjedavajućeg Skupštine.

Što se tiče dnevnog reda, za konstituirajuću sjednicu, kojeg smo usaglasili na nekoj vrsti neformalne grupe, koju su činili predstavnici svih političkih stranaka koje participiraju u Skupštini, usaglasili smo slijedeći:

### Dnevni red

1/ Konstituisanje klubova naroda i Ostalih:

a/ Izbor predsjednika i zamjenika predsjednika klubova,

b/ Predlaganje kandidata za predsjedavajućeg ili zamjenika predsjedavajućeg Skupštine,

2/ Donošenje Odluke o potvrđivanju kandidata za predsjedavajućeg i zamjenika predsjedavajućeg Skupštine Bosansko-podrinjskog kantona Goražde

3/ Prijedlog Odluke o uspostavljanju Kolegija Skupštine Bosansko-podrinjskog kantona Goražde.

4/ Donošenje Zaključka o davanju ovlaštenja Komisiji za budžet, finansije i administrativna pitanja Skupštine Bosansko-podrinjskog kantona Goražde da radi do izbora radnih tijela Skupštine Bosansko-podrinjskog kantona Goražde,

5/ Donošenja Odluke o izboru privremene Komisije za izbor i imenovanja Skupštine Bosansko-podrinjskog kantona Goražde,

6/ Donošenje Odluke o izboru privremene Mandatno-imunitetske komisije Skupštine Bosansko-podrinjskog kantona Goražde,

7/ Priprema za narednu sjednicu Skupštine.

**Dr. Alija Begović** - Predsjedavajući konstituirajuće sjednice

U medjuvremenu sam obavješten i svjestan sam da postoji potreba da se dnevni red proširi. Budući da ste davanjem svečane izjave postali poslanici Skupštine Bosansko-podrinjskog kantona Goražde imate pravo da predložite izmjene i dopune dnevnog reda. Ko želi da predloži izmjene?

**Pleh Muhidin** – Ministar za finansije

Predlažem da se izvrši dopuna današnjeg dnevnog reda sa: Prijedlogom Odluke o privremenom finansiranju Budžeta Bosansko-podrinjskog kantona Goražde za period 01. 01. do 31. 03. 2011. godine, Prijedlogom Odluke o davanju saglasnosti na Odluku o privremenom finansiranju Zavoda zdravstvenog osiguranja Bosansko-podrinjskog kantona Goražde za period 01. 01. do 31. 03. 2011. godine i Prijedlogom Odluke o davanju saglasnosti na Odluku o privremenom finansiranju J.U. Službe za zapošljavanje Bosansko-podrinjskog kantona Goražde za period 01. 01. do 31. 03. 2011. godine.

Takodjer, smo danas podijelili poslanicima Prijedlog izmjena i dopuna Budžeta Bosansko-podrinjskog kantona Goražde za 2010. godinu. Ukoliko se odrediti u tom dijelu, pošto je Vlada na prethodnim sjednicama dala saglasnost na Odluke izmjenama i dopunama Odluka finansijskih planova izvanbudžetskih fondova – Kantonalnog zavoda zdravstvenog osiguranja, odnosno J.U. Službe za zapošljavanje Bosansko-podrinjskog kantona Goražde, dobro bi bilo da i te izmjene i dopune finansijskih planova, takodjer, definišemo u dnevnom redu, a da se u medjuvremenu taj dio kompletira.

**Popović Sevdal** – Kao poslanik Stranke za Bosnu i Hercegovinu, reagujem u skladu sa Poslovnikom, a to je da se narušava član 79, odnosno član 80. stav 2. Poslovnika. Mi ćemo radi hitnosti i važnosti podržati odluke o privremenom finansiranju Budžeta i fondova, međjutim, apsolutno sam protiv da se na današnjoj sjednici raspravlja o izmjenama i dopunama Budžeta Bosansko-podrinjskog kantona Goražde za 2010. godinu.

**Žuga Damir** – Najprije da kažem, aktivnim učesćem premijera, bivšeg, sada mog kolege u Klubu Bošnjaka i danas ovdje u Skupštini Kantona, prestao je njegov mandat u izvršnoj vlasti i preme tome, mi i ovaj Kanton od danas nemamo Vladu Bosansko-podrinjskog kantona Goražde, niti ministara u Vladi Bosansko-podrinjskog kantona Goražde. Zato apelujem na izborne pobjednike da ubrzaju proceduru kako bi ovaj Kanton što prije dobio mandataru i kako bi profunkcionisao jer je more problema koji su za nama. Želim da naglasim da studenti sa našeg Kantona nisu dobili stipendije, niti je bio javni poziv, a more je i drugih problema koje je bivša Vlada Bosansko-podrinjskog kantona Goražde smatrala da ne treba raditi u tehničkom mandatu. Ja mislim da je te stvari trebala završiti kao i prethodne vlade. Dakle, apelujem i molim izborne pobjednike da ubrzaju proceduru kako bi ovaj Kanton što prije dobio mandataru i svoju Vladu. Ako bi prihvatili ovako kako je to predložio ministar finansija to bi onda bila povreda odredaba člana 79., 22., 23., 36.,

45., 56. i 60. Poslovnika Skupštine. Ne vidim razloga da ne uradimo danas ovo što je Kolegij predložio, a to su: 2., 3., 4., 5., 6. i 7. tačka dnevnog reda, a da se sjednica Skupštine zakaže za 30. ili 31. decembar 2010. godine na kojoj bi se razmatrale odluke o privremenom finansiranju i izmjene i dopune budžeta.

**Uruči Nazif** - Ja sam danas poslanik i želim da kažem jednu stvar. Potrudili smo se što je zakonska obaveza da pripremimo. Spremne su odluke o privremenom finansiranju i rebalansi budžeta. Možda je bilo nedorečeno u uvodu kada ih razmatrati? Nije nam bila namjera da kršimo Poslovnik. Htjeli smo da vas informišemo da su ti materijali uradjeni, a oni koji nisu do vas stigli stići će u toku dana, a da Sekupština danas opredjeli hoće li danas razmatrati išta od ovih materijala ili će zakazati drugu sjednicu. Smatram da će nam biti neophodno da do kraja kalendarske godine imamo jedno zasjedanje, a i zbog drugih razloga imat ćemo potrebu da održimo još jednu sjednicu. Jedna od mogućnosti je da ova sjednica bude otvorena do završetka svih ovih poslova, a između ostalog, i oko izbora i formiranja komisija, pa i ovih dokumenata koji su danas ovdje. Na nama je da se dogovorimo hoće li Skupština ostati otvorena. Po mjeni bi trebala biti otvorena cijelo vrijeme do završetka kalendarske godine ili ćemo praviti dvije sjednice, a smatram da nemamo razloga praviti dvije sjednice jer se radi o šest tačaka s kojima ćemo se upoznati i opredjeliti se onakako kako mislimo.

**Alija Begović** - Predsjedavajući konstituirajuće sjednice

Da li se još neko javlja za riječ?

Pošto se niko više ne javlja za riječ, po Poslovniku ja sam dužan da stavim na izjašnjanje ovo što je do sada predloženo, a poslanici će se opredjeliti o dopuni dnevnog reda.

**Popović Sevd** – Zamolila bih sekretara Skupštine da nam kaže da li je prekršen član 79. i 80. Poslovnika Skupštine Bosansko-podrinjskog kantona Goražde.

**Alija Begović** - Predsjedavajući konstituirajuće sjednice

Ne znam da li ima potrebe da čitamo ove članove, a svi ste svjesni da rok za dostavu ovakvih akata, prije skupštinske rasprave, je definisan Poslovnikom Skupštine. Budući da su predloženi po hitnom postupku, u tom slučaju se može i hitno razmatrati ukoliko se Skupština opredjeli uz obrazloženje razloga za hitnost. Dakle, postoji poslovnička mogućnost da se neki akti razmatraju i po hitnom postupku. Ja ne bih previše da se uplićem u rad Skupštine budući da sam ja predsjedavajući iz prethodnog saziva i da je moja funkcija samo da obavim predradnje za konstituirajuću sjednicu. Ja bih se složio da završimo konstituirajuću sjednicu s tim što se poslije toga odmah može zakazati prva redovna sjednica još u toku dana ili vanredna narednih dana. Ako se slažete da obavimo radnje iz domena konstituirajuće sjednice. Mi smo je prošili da bi smo imali što efikasniji rad i ja sam to, svakako, shvatio i prihvatio. Čini mi se da se slažete da završimo konstituirajuću sjednicu kako je predloženo. Novi predsjedavajući Skupštine će već od druge tačke nastaviti sa daljim radom i može regulisati rad Skupštine.

Koliko sam shvatio, iz vaših diskusija, nije sporno da se donesu ove tri predložene odluke o privremenom finansiranju i mislim da njih možemo staviti na izjašnjanje kao dopunu dnevnog reda.

Ko je za to da se dnevni red dopuni odlukama o privremenom finansiranju s tim što bi bile u dnevnom redu tačke: 7., 8. i 9, a tačka 7., bi bili tačka 10., a to su:

- Prijedlog Odluke o privremenom finansiranju Budžeta Bosansko-podrinjskog kantona Goražde za period 01. 01. do 31. 03. 2011. godine,
- Prijedlog Odluke o davanju saglasnosti na Odluku o privremenom finansiranju Zavoda zdravstvenog osiguranja Bosansko-podrinjskog kantona Goražde za period 01. 01. do 31. 03. 2011. godine,

- Prijedlog Odluke o davanju saglasnosti na Odluku o privremenom finansiranju J.U. Službe za zapošljavanje Bosansko-podrinjskog kantona Goražde za period 01. 01. do 31. 03. 2011. godine.

Ko je za, molim, da digne ruku? /23 poslanika/

Ima li neko protiv? /Niko/

Da li se neko uzdržao od glasanja? /Niko/

Konstatiram da je Skupština Bosansko-podrinjskog kantona Goražde, jednoglasno, sa 23 glasa „za“ prihvatila dopunu dnevnog reda.

Da li predlagač insistira da se stave i slijedeće tri tačke, a to su odluke o izmjenama i dopunama budžeta?

/Ne insistira/

Stavljam na glasanje slijedeći:

### **D n e v n i   r e d**

1/ Konstituisanje klubova naroda i Ostalih:

a/ Izbor predsjednika i zamjenika predsjednika klubova,

b/ Predlaganje kandidata za predsjedavajućeg ili zamjenika predsjedavajućeg Skupštine,

2/ Donošenje Odluke o potvrđivanju kandidata za predsjedavajućeg i zamjenika predsjedavajućeg Skupštine Bosansko-podrinjskog kantona Goražde

3/ Prijedlog Odluke o uspostavljanju Kolegija Skupštine Bosansko-podrinjskog kantona Goražde.

4/ Donošenje Zaključka o davanju ovlaštenja Komisiji za budžet, finansije i administrativna pitanja Skupštine Bosansko-podrinjskog kantona Goražde da radi do izbora radnih tijela Skupštine Bosansko-podrinjskog kantona Goražde,

5/ Donošenja Odluke o izboru privremene Komisije za izbor i imenovanja Skupštine Bosansko-podrinjskog kantona Goražde,

6/ Donošenje Odluke o izboru privremene Mandatno-imunitetske komisije Skupštine Bosansko-podrinjskog kantona Goražde,

7/ Prijedlog Odluke o privremenom finansiranju Budžeta Bosansko-podrinjskog kantona Goražde za period 01. 01. do 31. 03. 2011. godine,

8/ Prijedlog Odluke o davanju saglasnosti na Odluku o privremenom finansiranju Zavoda zdravstvenog osiguranja Bosansko-podrinjskog kantona Goražde za period 01. 01. do 31. 03. 2011. godine,

9/ Prijedlog Odluke o davanju saglasnosti na Odluku o privremenom finansiranju J.U. Službe za zapošljavanje Bosansko-podrinjskog kantona Goražde za period 01. 01. do 31. 03. 2011. godine.

10/ Priprema za narednu sjednicu Skupštine.

Imamo jedno tehničko pitanje, a tiče se poslanika koji su u isto vrijeme bili premijer i ministri u Vladi Bosansko-podrinjskog kantona Goražde. Koliko poznajem pozitivne propise oni su, defakto, prisustvom na ovoj sjednici i izjašnjavanjem u toku rada sjednice u potpunosti preuzeli funkciju poslanika u Skupštini. Time su se odrekli funkcionisanja u Vladi Bosansko-podrinjskog kantona Goražde. Da li je neophodno da se odmah donese odluka o razrješenju? Ja bih to prepustio pravnicima, stručnim tijelima i Centralnoj izbornoj komisiji da odluče. G-dina Arnautovića koji je bio na konstituirajućoj sjednici Skupštine shvatio sam da nije neophodno da se donese Odluka o

razrješenju, ali je neophodno da funkcionišu u jednoj od te dvije funkcije. U tom slučaju bi se dnevni red trebao da dopuni sa još jednom tačkom, a to je Odluka o razrješenju. Možda smo kasno reagirali budući da smo usvojili dnevni red.

**Muhidin Pleh** – ministar za finansije

Razrješenjem premijera, automatski je razriješana i Vlada, a radi Vaše informacije potpisivanje finansijske dokumentacije, odnosno dokumentacije koja prati transferisanje finansijskih sredstava sa depozitnog, odnosno transakcijskog računa, potpisnici su ministar za finansije, premijer i pomoćnik ministra za trezor. Pošto pomoćnik ministra za trezor trenutno ne radi, dilema je kako i na koji način premostiti potpisivanje finansijske dokumentacije jer, evo, već danas mi nećemo moći, odnosno dilema je da li se može potpisati finansijska dokumentacije za transakcije sa depozitnog računa i dalje za, eventualno, plaćanje. Mislim da se u tom dijelu treba odrediti Skupština sa nekim stavom.

Ovo je pitanje, koje je prilično bitno što se tiče toka sjednice, ali ja nisam ni ovlašten ni kompetentan da presudim. Dajem priliku poslanicima da se očituju kako i u kom pravcu da nastavimo sjednicu.

**Mujagić Rasim** – Ako danas razriješimo premijera i ministre u Vladi, Vladu od ovog momenta nećemo imati. Bilo bi neozbiljno da premijer podnese ostavku, a da ne izaberemo drugog i da nemamo nekoga ko će to potpisivati. Ovdje moramo dobro i zrelo razmišljati kakvu ćemo rješenje donijeti da bi mogli da zadovoljimo potrebe one radi čega smo ovdje. Ja znam da se žuri svim ministrima jer i oni danas treba da znaju gdje, kako i na koji način da djeluju. Da li kao skupštinski poslanici ili da djeluju kao ministri koji će ostati u Vladi. Tražim da se ministri izjasne da li će biti poslanici ili ministri.

**Alija Begović** - Predsjedavajući konstituirajuće sjednice

Možda se ovo može riješiti kao naknadno pitanje. Budući da su ministri svojim prisustvom i glasanjem za dnevni red definitivno stavili se u službu Skupštine Bosansko-podrinjskog kantona Goražde i time prihvatili funkciju poslanika. Automatski, u koliko bi nastavili vršiti funkcije u izvršnoj vlasti došlo bi do nespojivosti funkcija. Budući da su to politički iskusne osobe, siguran sam da oni svojim prisustvom ovdje, jasno stavljaju do znanja da neće više funkcionirati u Vladi Bosansko-podrinjskog kantona Goražde. Da li je neophodno donijeti Odluku o razrješenju nisam siguran, jer mislim da g-din Arnautović na tu temu nije insistirao da je neophodno.

Predlažem da nastavimo sjednicu kako smo usvojili dnevni red, a ova pitanja o funkcionisanju Vlade, koje je evidentno kao veliki problem, mogu se prevazići hitnim izborom mandataru i hitnim izborom Vlade Bosansko-podrinjskog kantona Goražde, a što je, naravno, posao vas poslanika u Skupštini.

**Borović Mensud** - Mi smo prije više od mjesec dana dobili jedno objašnjenje Centralne izborne komisije. Ovo nije slučaj samo u Bosansko-podrinjskom kantonu Goražde gdje ima ovih otvorenih pitanja. U 5. stavu Objašnjenja Centralne izborne komisije, po ovom pitanju stoji: „Izabrani zvaničnici, nosioci izvršnih funkcija i savjetnici dužni su podnijeti ostavku na svaku od nespojivih funkcija najkasnije u roku od tri dana nakon preuzimanja javne funkcije“. Da bi danas prihvatili ostavku moramo je imati. Imamo li je? Da bi razmatrali i prihvatili ostavku moramo je imati, a mi je danas, u ovom momentu nemamo. Smatram da je Centralna izborna komisija nadležna da ovo razmatra. Ne vidim potrebu da mi donosimo bilo kakvu odluku.

Tačka 1.-

Prelazimo na 1-vu tačku dnevnog reda: Konstituisanje klubova naroda i Ostalih:

a/ Izbor predsjednika i zamjenika predsjednika klubova,

b/ Predlaganje kandidata za predsjedavajućeg ili zamjenika predsjedavajućeg Skupštine.

Konstituisani su klubovi naroda i ja ću vas izvjestiti o rezultatima izbora u tim klubovima.

Klub Bošnjačkog naroda održao je konstituirajuću sjednicu i za predsjednika Kluba je izabran g-din Adžem Dževad, a za zamjenika predsjednika Kluba Bošnjaka g-din Borović Mensud.

Kandidat za predsjedavajućeg ili zamjenika predsjedavajućeg Skupštine ispred Kluba Bošnjaka je g-din Uruči Nazif.

Klub Srpskog naroda, koji ima jednog člana, i predsjednik Kluba je g-dja Milović Daliborka.

Kandidat za predsjedavajućeg ili zamjenika predsjedavajućeg Skupštine ispred Kluba Srpskog naroda je g-dja Milović Daliborku.

Klub Hrvatskog naroda za predsjednika Kluba izabrao je g-dina Fejzić Edima, a za zamjenika predsjednika Kluba g-dja Klisura-Nemec Vesna.

Kandidat za predsjedavajućeg ili zamjenika predsjedavajućeg Skupštine ispred Kluba Hrvatskog naroda je g-dja Klisura-Nemec Vesna.

Klub Ostalih za predsjednika Kluba izabrao je g-dina Frašto Emira, a za zamjenika predsjednika Kluba Ostalih g-din Mujagić Rasim.

Poslanici iz Kluba Ostalih ne mogu biti predsjedavajući ili zamjenici predsjedavajućih Skupština, pa s toga nisu ni predlagali kandidate.

Na osnovu izloženog, možemo zaključiti da su konstituisani klubovi naroda i da su izvršeni izbori koji su predviđeni tačkom 1.

U skladu sa članom 10. stav 2. Poslovnika Skupštine Bosansko-podrinjskog kantona Goražde potrebno je da Skupština pojedinačnim glasanjem potvrdi kandidate, nadpolovičnom većinom, od ukupnog broja poslanika u Skupštini. Dakle, najmanje 13 poslanika treba da se izjasni za prijedlog.

Stavljam na izjašnjavaње, prijedlog kandidata za predsjedavajućeg ili zamjenika predsjedavajućeg Skupštine Bosansko-podrinjskog kantona Goražde kojeg je predložio Klub Bošnjaka, a to je g-din Uruči Nazif.

Glusat ćemo pojedinačno.

Frašto Emir	„za“
Mujković Dževida	„za“
Adžem Dževad	„za“
Došlo Suad	„za“
Kožo Mersudin	„za“
Nemec-Klisura Vesna	„za“
Imamović Demir	odsutan
Kurtović Mustafa	„za“
Halilović Adis	„za“

Agović Adis	„za“
Uruči Nazif	„za“
Mulahmetović Alma	„za“
Borović Mensud	„za“
Žuga Damir	„suzdržan“
Turčalo Mehmed	„suzdržan“
Bardak Kasim	„suzdržan“
Popović Sevda	„suzdržana“
Gušo Sabina	„za“
Marić Osman	„za“
Omanović Muamer	„za“
Fežić Edim	„za“
Mujagić Rasim	„za“
Milović Daliborka	odsutna
Ćurović Redžo	„za“
Kulović Ahmet	„za“

**Alija Begović** - Predsjedavajući konstituirajuće sjednice

Konstatiram da je Skupština Bosansko-podrinjskog kantona Goražde sa 19 glasova „za“, 4 „suzdržana“ glasa i ni jednim „protiv“ potvrdila kandidaturu g-dina Nazifa Uručija, iz reda Bošnjačkog naroda, za predsjedavajućeg ili zamjenika predsjedavajućeg Skupštine

Kandidat za predsjedavajućeg ili zamjenika predsjedavajućeg Skupštine iz reda Srpskog naroda je g-dja Milović Daliborka.

Glasat ćemo pojedinačno za ovu kandidaturu.

Frašto Emir	„za“
Mujković Dževida	„za“
Adžem Dževad	„za“
Došlo Suad	„za“
Kožo Mersudin	„za“
Nemec-Klisura Vesna	„za“
Imamović Demir	odsutan
Kurtović Mustafa	„za“
Halilović Adis	„za“
Agović Adis	„za“
Uruči Nazif	„za“
Mulahmetović Alma	„za“
Borović Mensud	„za“
Žuga Damir	„za“
Turčalo Mehmed	„za“
Bardak Kasim	„za“
Popović Sevda	„za“
Gušo Sabina	„za“
Marić Osman	„za“
Omanović Muamer	„za“
Fežić Edim	„za“
Mujagić Rasim	„za“
Milović Daliborka	odsutna
Ćurović Redžo	„za“
Kulović Ahmet	„za“

**Alija Begović** - Predsjedavajući konstituirajuće sjednice

Konstatiram da je Skupština Bosansko-podrinjskog kantona Goražde, jednoglasno, sa 23 glasa „za“ potvrdila kandidaturu g-dje Milović Daliborke, iz reda Srpskog naroda, za predsjedavajućeg ili zamjenika predsjedavajućeg Skupštine.

Kandidat za predsjedavajućeg ili zamjenika predsjedavajućeg Skupštine iz reda Hrvatskog naroda je g-dja Vesna Nemeć-Klisura.

Glasat ćemo pojedinačno za ovu kandidaturu.

Frašto Emir	„za“
Mujković Dževida	„za“
Adžem Dževad	„za“
Došlo Suad	„za“
Kožo Mersudin	„za“
Nemeć-Klisura Vesna	„za“
Imamović Demir	odsutan
Kurtović Mustafa	„za“
Halilović Adis	„za“
Agović Adis	„za“
Urući Nazif	„za“
Mulahmetović Alma	„za“
Borović Mensud	„za“
Žuga Damir	„za“
Turčalo Mehmed	„za“
Bardak Kasim	„za“
Popović Sevdal	„za“
Gušo Sabina	„za“
Marić Osman	„za“
Omanović Muamer	„za“
Fejzić Edim	„za“
Mujagić Rasim	„za“
Milović Daliborka	odsutna
Ćurović Redžo	„za“
Kulović Ahmet	„za“

**Alija Begović** - Predsjedavajući konstituirajuće sjednice

Konstatiram da je Skupština Bosansko-podrinjskog kantona Goražde, jednoglasno, sa 23 glasa „za“ potvrdila kandidaturu g-dje Vesne Nemeć-Klisura, iz reda Hrvatskog naroda, za predsjedavajućeg ili zamjenika predsjedavajućeg Skupštine.

**Alija Begović** - Predsjedavajući konstituirajuće sjednice

Odredbama člana 10. stav 3. Poslovnika Skupštine Bosansko-podrinjskog kantona Goražde, je regulisano: „Od Skupštine potvrđeni kandidati, između sebe nadpolovičnom većinom predlažu Skupštini kandidata za predsjedavajućeg Skupštine“.

Dajem pauzu od 5 minuta kako bi potvrđeni kandidati od strane Skupštine, između sebe izabrali predsjedavajućeg i zamjenike predsjedavajućeg Skupštine.

/Završena pauza/



**Alija Begović** - Predsjedavajući konstituirajuće sjednice

Dostavljen mi je zapisnik sa sastanka koji su održali potvrđeni kandidati, od strane Skupštine za predsjedavajućeg ili zamjenika predsjedavajućeg Skupštine.

Na sastanku su bili prisutni g-dja Vesna Nemeć-Klisura i g-din Nazif Urući. Pored kandidata za predsjedavajućeg ili zamjenika predsjedavajućeg Skupštine bio je prisutan i sekretar Skupštine Bosansko-podrinjskog kantona Gorađe g-din Midhat Bašić.

Opravdano je odsutna kandidatkinja za predsjedavajućeg ili zamjenika predsjedavajućeg Skupštine g-dja Milović Daliborka, koja je svojom pismenom izjavom saglasna da se za predsjedavajućeg Skupštine Bosansko-podrinjskog kantona Gorađe izabere g-din Nazif Urući, iz reda Bošnjackog naroda.

„U skladu sa članom 10. stav 3. Poslovnika Skupštine Bosansko-podrinjskog kantona Gorađe /“Službene novine Bosansko-podrinjskog kantona Gorađe“, broj: 10/08/, kandidati za predsjedavajućeg, odnosno zamjenika predsjedavajućeg Skupštine između sebe nadpolovičnom većinom, predlažu Skupštini Bosansko-podrinjskog kantona Gorađe da donese Odluku o potvrđivanju Urući Nazifa za predsjedavajućeg Skupštine Bosansko-podrinjskog kantona Gorađe, a za zamjenike g-dju Vesnu Nemeć-Klisuru i g-dju Milović Daliborku“.

Na osnovu ovog zapisnika sačinjena je i Odluka o potvrđivanju izbora predsjedavajućeg Skupštine Bosansko-podrinjskog kantona Gorađe.

**Član 1.**

Potvrđuje se izbor **Urući Nazifa** za predsjedavajućeg Skupštine Bosansko-podrinjskog kantona Gorađe.

**Član 2.-**

Ova Odluka stupa na snagu danom donošenja, a naknadno će se objaviti u „Službenim novinama Bosansko-podrinjskog kantona Gorađe“.

/Sjednici prisustvuje 22 poslanika/

**Alija Begović** - Predsjedavajući konstituirajuće sjednice

Član 10. stav 4. Poslovnika Skupštine Bosansko-podrinjskog kantona Gorađe /“Službene novine Bosansko-podrinjskog kantona Gorađe, broj: 10/08/, je regulisao: „Skupština javnim glasanjem potvrđuje kandidata za predsjedavajućeg Skupštine nadpolovičnom većinom od ukupnog broja poslanika u Skupštini“.

Stavljam na glasanje Prijedlog Odluke o o potvrđivanju izbora predsjedavajućeg Skupštine Bosansko-podrinjskog kantona Gorađe.

Ko je za, molim, da digne ruku? /18 poslanika/

Ima li neko protiv?

Da li se neko uzdržao od glasanja? /4 poslanika/

Konstatiram da je Skupština Bosansko-podrinjskog kantona Gorađe sa 18 glasova „za“, ni jednim protiv i „4“ uzdržana glasa donijela Odluku o potvrđivanju izbora predsjedavajućeg Skupštine Bosansko-podrinjskog kantona Gorađe g-dina Nazifa Urućija.

Stavljam na glasanje Prijedlog Odluke o potvrđivanju izbora zamjenika predsjedavajućeg Skupštine Bosansko-podrinjskog kantona Goražde.

Ko je za, molim, da digne ruku? /18 poslanika/  
Ima li neko protiv?  
Da li se neko uzdržao od glasanja? /4 poslanika/

Konstatiram da je Skupština Bosansko-podrinjskog kantona Goražde sa 18 glasova „za“, ni jednim protiv i „4“ uzdržana glasa donijela Odluku o potvrđivanju izbora zamjenika predsjedavajućeg Skupštine Bosansko-podrinjskog kantona Goražde g-dje Vesne Nemic-Klisura i g-dje Daliborka Milović.

Ja čestitam izabranom predsjedavajućem i zamjenicama predsjedavajućeg Skupštine Bosansko-podrinjskog kantona Goražde i želim vam svima uspješan i plodan rad. Ja sam ovim činom završio svoje obaveza kao predsjedavajući iz prethodnog saziva Skupštine.

Predlažem da napravimo kratku pauzu, kao bi predsjedavajući Skupštine Bosansko-podrinjskog kantona Goražde mogao nastaviti daljim predsjedavanjem Skupštinom po utvrđenom dnevnom redu.

/Daljim predsjedavanjem sjednicom Skupštine nastavila je zamjenica predsjedavajućeg Skupštine g-dja Vesna Nemic-Klisura/

**Vesna Nemic-Klisura** – zamjenica predsjedavajućeg Skupštine

U svoje i u ime predsjedavajućeg Skupštine Bosansko-podrinjskog kantona Goražde zahvaljujem se svim poslanicima koji su dali podršku ovom skupštinskom rukovodstvu.

Obzirom da, tokom ove sjednice, imamo još jednu tačku dnevnog reda koja se veže za razrješenje premijera i ministara u Vladi Bosansko-podrinjskog kantona Goražde, u dogovoru sa predsjedavajućem i sekretarom Skupštine Bosansko-podrinjskog kantona Goražde ja ću nastaviti predsjedavanjem ovom sjednicom dok se ne donese Odluka koju ćemo predložiti ovoj Skupštini.

### **Tačka 3.-**

Prelazimo na 3-ću tačku dnevnog reda: Prijedlog Odluke o uspostavljanju Kolegija Skupštine Bosansko-podrinjskog kantona Goražde.

Ja ću Vam pročitati Prijedlog ove Odluke, koja je u skladu sa Poslovníkom Skupštine Bosansko-podrinjskog kantona Goražde.

Na osnovu člana 106., a u skladu sa članovima 16. i 20. Poslovníka Skupštine Bosansko-podrinjskog kantona Goražde /“Službene novine Bosansko-podrinjskog kantona Goražde“, broj: 10/08/, Skupština Bosansko-podrinjskog kantona Goražde na nastavku konstituirajuće sjednice, održane 23. decembra 2010. godine, **d o n o s i:**

## **O D L U K U**

### **O USPOSTAVLJANJU KOLEGIJA SKUPŠTINE BOSANSKO-PODRINJSKOG KANTONA GORAŽDE**

#### **Član 1.**

Uspostavlja se Kolegij Skupštine Bosansko-podrinjskog kantona Goražde kojeg čine:

1. Predsjedavajući i zamjenici predsjedavajućeg Skupštine, i
2. Predsjednici klubova poslanika političkih stranaka zastupljenih u Skupštini Bosansko-podrinjskog kantona Goražde.

## **Član 2.**

Ova Odluka stupa na snagu danom donošenja, a naknadno će se objaviti u „Službenim novinama Bosansko-podrinjskog kantona Goražde“.

Ukoliko nemate primjedbi, ja prijedlog Odluke o uspostavljanju Kolegija Skupštine Bosansko-podrinjskog kantona Goražde stavljam na glasanje.

Ko je za, molim, da digne ruku? /23 poslanika/

Ima li neko protiv? /Niko/

Da li se neko uzdržao od glasanja? /Niko/

Konstatujem da je Skupština Bosansko-podrinjskog kantona Goražde, jednoglasno, sa 23 glasa „za“.

/Na sjednicu došao poslanik Imamović Demir. Sjednici prisustvuje 24 poslanika/.

## **Tačka 4.-**

Prelazimo na 4-tu tačku dnevnog reda: Donošenje Zaključka o davanju ovlaštenja Komisiji za budžet, finansije i administrativna pitanja Skupštine Bosansko-podrinjskog kantona Goražde da radi do izbora radnih tijela Skupštine Bosansko-podrinjskog kantona Goražde.

/Emir Frašto izašo. Sjednici prisustvuje 23 poslanika/

Ja ću pročitati Zaključak o davanju ovlaštenja Komisiji za budžet, finansije i administrativna pitanja Skupštine Bosansko-podrinjskog kantona Goražde da radi do izbora radnih tijela Skupštine Bosansko-podrinjskog kantona Goražde.

Na osnovu člana 3. i 109. Poslovnika Skupštine Bosansko-podrinjskog kantona Goražde /“Službene novine Bosansko-podrinjskog kantona Goražde“, broj: 10/08/, Skupština Bosansko-podrinjskog kantona Goražde, na nastavku konstituirajuće sjednice, održane 23. decembra 2010. godine, donijela je slijedeći:

## **Z a k l j u č a k**

1/ Ovlašćuje se Komisija za budžet, finansije i administrativna pitanja Skupštine Bosansko-podrinjskog kantona Goražde, iz prethodnog saziva Skupštine Bosansko-podrinjskog kantona Goražde, da nastavi sa radom do izbora radnih tijela Skupštine Bosansko-podrinjskog kantona Goražde, a najduže do 60 dana.

2/ Ovaj Zaključak stupa na snagu danom donošenja, a naknadno će se objaviti u „Službenim novinama Bosansko-podrinjskog kantona Goražde“.

Ko je za ovaj Zaključak, molim da digne ruku? /23 poslanika/

Ima li neko protiv?

Da li se neko uzdržao od glasanja?

Konstatujem da je Skupština Bosansko-podrinjskog kantona Goražde, jednoglasno sa 23 glasa “za“ donijela predloženi Zaključak.

## **Tačka 5.-**

Prelazimo na 5-tu tačku dnevnog reda: Donošenja Odluke o izboru privremene Komisije za izbor i imenovanja Skupštine Bosansko-podrinjskog kantona Goražde.

Otvaram raspravu po ovim tačkama dnevnog reda.

**Borović Mensud** – Samo da dam pojašnjenje po 5-toj i 6-toj tački dnevnog reda. Kada je utvrdjeni dnevni red za konstituirajuću sjednicu Skupštine dogovoreno je da se formiraju ova dva privremena radna tijela koja su potrebna zbog proceduralnih stvari. Dogovoreno je da predstavnici političkih partija predlože članove za ova radna tijela, tj. da svaka politička partija, odnosno svaki klub poslanika u Skupštini Kantona, a ima ih šest predloži po jednog kandidata za obje ove privremene komisije, s tim što će Socijaldemokratska partija predložiti dva člana za Komisiju za izbor i imenovanja, a Stranka demokratske akcije dva člana za Mandatno-imunitetsku komisiju, tako da bi obje komisije imale neparan broj sedam.

Ispred Kluba poslanika Stranke demokratske akcije u Komisiju za izbor i imenovanja predlažem g-dina Agović Adisa, a za Mandatno-imunitetsku komisiju g-dina Halilović Adisa i g-djicu Mulahmetović Almu.

**Vesna Nemeč-Klisura** – zamjenica predsjedavajućeg Skupštine

Pozivam predstavnike klubova poslanika da predlaže članove za ove dvije privremene komisije.

**Turčalo Mehmed** – Klub poslanika Stranke za Bosnu i Hercegovinu u Komisiju za izbor i imenovanja predlaže g-dju Popović Sevdu, a u Mandatno-imunitetsku komisiju g-dina Žuga Damira.

**Ćurović Redžo** – Klub poslanika Bosansko-hercegovačke patriotske stranke „Sefer Halilović“ u Komisiju za izbor i imenovanja predlaže g-dina Kulović Ahmeta, a u Mandatno-imunitetsku komisiju g-dina Ćurović Redža.

**Mujković Dževida** - Klub poslanika Socijaldemokratske partije BiH u Komisiju za izbor i imenovanje predlaže g-dina Adžem Dževada i g-dju Mujković Dževidu, a u Mandatno-imunitetsku komisiju g-dina Kožo Mersudina.

**Gušo Sabina** - Klub poslanika Saveza za bolju budućnost u Komisiju za izbor i imenovanja predlaže g-dju Gušo Sabinu, a u Mandatno-imunitetsku komisiju g-dina Marić Osmana.

**Mujagić Rasim** - Klub poslanika Narodne stranke radom za boljitak u Komisiju za izbor i imenovanja predlaže g-dju Milović Daliborku, a u Mandatno-imunitetsku komisiju g-dina Fejzić Edima.

**Vesna Nemeč-Klisura** – zamjenica predsjedavajućeg Skupštine

Zamoliti ću samo predstavnike političkih partija da predlože predsjednike i zamjenike predsjednika ovih privremenih radnih tijela.

**Borović Mensud** – Dogovor je bio da političke partije koje imaju po dva člana u ovim privremenim radnim tijelima imaju poziciju predsjednika u toj komisiji. S tim u vezi, ispred Kluba poslanika Stranke demokratske akcije, predlažem Halilović Adisa za predsjednika Mandatno-imunitetske komisije.

**Frašto Emir** – Ispred Socijaldemokratske partije BiH za predsjednika Komisije za izbor i imenovanja predlažem g-dju Mujković Dževidu, a za zamjenicu predsjednice g-dju Gušo Sabinu, a za zamjenika predsjednika Mandatno-imunitetske komisije g-dina Čurović Redža.

**Vesna Nemeć-Klisura** – zamjenica predsjedavajućeg Skupštine

Ja ću sada pročitati prijedloge političkih partija.

**Privremena Komisija za izbor i imenovanja:**

1. **Agović Adis,**
2. **Popović Sevd, a**
3. **Kulović Ahmet,**
4. **Adžem Dževad,**
5. **Mujković Dževida,**
6. **Gušo Sabina, i**
7. **Milović Daliborka.**

Predloženo je da predsjednica Privremene Komisije za izbor i imenovanja bude g-dja Mujković Dževida, a zamjenica predsjednice g-dja Gušo Sabina.

Sjednici prisustvuje 24 poslanika/

Stavljam na glasanje: Prijedlog Odluke o izboru privremene Komisije za izbor i imenovanja Skupštine Bosansko-podrinjskog kantona Goražde.

Ko je za, molim, da digne ruku? /24 poslanika/

Ima li neko protiv ? /Niko/

Da li se neo uzdržao od glasanja? /Niko/

Konstatujem da je Skupština Bosansko-podrinjskog kantona Goražde, jednoglasno, sa 24 glasa „za“ donijela Odluku o izboru privremene Komisije za izbor i imenovanja Skupštine Bosansko-podrinjskog kantona Goražde, u slijedećem sastavu:

1. **MUJKOVIĆ DŽEVIDA, predsjednica,**
2. **GUŠO SABINA, zamjenica predsjednice,**
3. **AGOVIĆ ADIS, član,**
4. **POPOVIĆ SEVDA, član,**
5. **KULOVIĆ AHMET, član,**
6. **ADŽEM DŽEVAD, član,**
7. **MILOVIĆ DALIBORKA, član.**

#### **Tačka 6.-**

Prelazimo na 6-tu tačku dnevnog reda: Donošenje Odluke o izboru privremene Mandatno-imunitetske komisije Skupštine Bosansko-podrinjskog kantona Goražde.

**Vesna Nemeć-Klisura** – zamjenica predsjedavajućeg Skupštine

Pročitat ću prijedloge političkih partija za privremenu Mandatno-imunitetsku komisiju.

**Privremena Mandatno-imunitetska komisija:**

1. Halilović Adis,
2. Mulahmetović Alma,
3. Žuga Damir,
4. Ćurović Redžo,
5. Kožo Mersudin,
6. Marić Osman i
7. Fejzić Edin.

Predloženo je da predsjednik Privremene Mandatno-imunitetske komisije bude g-din Halilović Adis, a zamjenik g-din Ćurović Redžo.

Stavljam na glasanje: Prijedlog Odluke o izboru privremene Mandatno-imunitetske komisije Skupštine Bosansko-podrinjskog kantona Goražde.

Ko je za, molim, da digne ruku?  
Ima li neko protiv ? /Niko/  
Da li se neo uzdržao od glasanja? /Niko/

Konstatujem da je Skupština Bosansko-podrinjskog kantona Goražde, jednoglasno, sa 24 glasa „za“ donijela Odluku o izboru privremene Mandatno-imunitetske komisije Skupštine Bosansko-podrinjskog kantona Goražde, u slijedećem sastavu:

1. HALILOVIĆ ADIS, predsjednik,
2. ĆUROVIĆ REDŽO, zamjenik predsjednika,
3. MULAHEMETOVIĆ ALMA, član,
4. ŽUGA DAMIR, član,
5. KOŽO MERSUDIN, član,
6. MARIĆ OSMAN, član,
7. FEJZIĆ EDIN, član,

Stavljam na glasanje objedinjenu Odluku o izboru privremenih radnih tijela.

Ko je za, molim, da digne ruku? /24 poslanika/  
Ima li neko protiv?  
Da li se neko uzdržao od glasanja?

Konstatujem da je Skupština Bosansko-podrinjskog kantona Goražde, jednoglasno, sa 24 glasa „za“, donijela Odluku o izboru privremenih radnih tijela.

Ja ću pročitati ovu Odluku.

Na osnovu Poglavlja IV, Odjeljak A, člana 23. Ustava Bosansko-podrinjskog kantona Goražde /“Službene novine Bosansko-podrinjskog kantona Goražde“, broj: 8/98, 10,00 i 5/03/ i člana 22. Poslovnika Skupštine Bosansko-podrinjskog kantona Goražde /“Službene novine Bosansko-podrinjskog kantona Goražde“, broj: 10/08/, Skupština Bosansko-podrinjskog kantona Goražde, donijela je:

**O D L U K U  
O IZBORU PRIVREMENIH RADNIH TIJELA**

**Član 1.**

Biraju se privremena radna tijela u Skupštini Bosansko-podrinjskog kantona Goražde i to:

**a/ Komisija za izbor i imenovanja**

1. MUJKOVIĆ DŽEVIDA, predsjednica,
2. GUŠO SABINA, zamjenica predsjednice,
3. AGOVIĆ ADIS, član,
4. POPOVIĆ SEVDA, član,
5. KULOVIĆ AHMET, član,
6. ADŽEM DŽEVAD, član,
7. MILOVIĆ DALIBORKA, član,

**b/ Mandatno-imunitetska komisija**

1. HALILOVIĆ ADIS, predsjednik,
2. ĆUROVIĆ REDŽO, zamjenik predsjednika,
3. MULAHMETOVIĆ ALMA, član,
4. ŽUGA DAMIR, član,
5. KOŽO MERSUDIN, član,
6. MARIĆ OSMAN, član,
7. FEJZIĆ EDIN, član,

**Član 2.-**

**Komisija za izbor i imenovanja i Mandatno-imunitetska komisija Skupštine Bosansko-podrinjskog kantona Goražde su privremenog karaktera i radit će do izbora stalnih radnih tijela Skupštine Bosansko-podrinjskog kantona Goražde.**

**Član 3.**

**Ova Odluka stupa na snagu danom donošenja, a naknado će se objaviti u „Službenim novinama Bosansko-podrinjskog kantona Goražde“.**

Dajem pauzu od 15 minuta kako bi Komisija za izbor i imenovanja održala sjednicu i predložila Prijedlog Odluke o razrješenju sa funkcije.

*/Završena pauza/*

**Vesna Nemic-Klisura** – zamjenica predsjedavajućeg Skupštine

**Tačka 7.-**

Prelazimo na 7-mu tačku dnevnog reda: Prijedlog Odluke o razrješenju sa funkcije.

Zamolit ću g-dju Mujković Dževidu predsjednicu Privremene Komisije za izbor i imenovanja da nam podnese izvještaj sa ove Komisije.

**Mujković Dževida** – predsjednica Privremene Komisije za izbor i imenovanja

U ovoj pauzi Privremena Komisija za izbor i imenovanja je na osnovu člana 47. i 193. Poslovnika Skupštine Bosansko-podrinjskog kantona Goražde /“Službene novine Bosansko-podrinjskog kantona Goražde“, broj: 10/08/, razmatrala ostavke:

1. Uruči Nazifa premijera Bosansko-podrinjskog kantona Goražde,
2. Adžem Dževada, ministra za boračka pitanja,

3. Imamović Demira, ministra za socijalnu politiku, zdravstvo, raseljena lica i izbjeglice,
4. Kurtović Mustafe, ministra za privredu,

Na osnovu člana 109. i na osnovu razmatranja ostavki koje su podnešene 10. novembra 2010. godine, Privremena Komisija za izbor i imenovanja Skupštine Bosansko-podrinjskog kantona Goražde predlaže da Skupština donese Odluku o razrješenju na navedene funkcije.

### **Član 1.**

Ovom Odlukom razrješavaju se funkcije kako slijedi:

1. Uruči Nazif, premijer Bosansko-podrinjskog kantona Goražde,
2. Adžem Dževad, ministar za boračka pitanja,
3. Imamović Demir, ministar za socijalnu politiku, zdravstvo, raseljena lica i izbjeglice,
4. Kurtović Mustafa, ministar za privredu.

### **Član 2.**

Ovlašćuju se dosadašnji ministri u Vladi Bosansko-podrinjskog kantona Goražde:

1. Pleh Muhidin, ministar za finansije,
2. Sipović Nusret, ministar unutrašnjih poslova,
3. Delizaimović Alma, ministar za obrazovanje, nauku, kulturu i sport, i
4. Janković Radmila, ministar za pravosuđe, upravu i radne odnose

da do imenovanja nove Vlade obnašaju dosadašnje funkcije ministara, a za ministarstva iz člana 1. ove Odluke ovlašteni državni službenici.

### **Član 3.**

Ova Odluka stupa na snagu danom donošenja, a naknadno će se objaviti u „Službenim novinama Bosansko-podrinjskog kantona Goražde“.

**Vesna Nemic-Klisura** – zamjenica predsjedavajućeg Skupštine

Otvaram raspravu po Prijedlogu ove Odluke.

**Brdar Kasim** – Privremena Komisija za izbor i imenovanja predložila je Skupštini Bosansko-podrinjskog kantona Goražde Odluku o razrješenju sa funkcije. Mene interesuje preambula Odluke. Mislim da član 109. Poslovnika Skupštine Bosansko-podrinjskog kantona Goražde kaže sasvim nešto drugo.

(1) „Zaključkom Skupštine odlučuje o svom radu i o radu radnih tijela Skupštine i Stručne službe.

(2) Zaključkom Skupštine može zauzeti stav o pitanju koje je razmatrala, uključujući utvrđivanje obaveza za Vladu Kantona i kantonalne organe uprave u pogledu pripreme zakona ili drugih propisa i općih akata ili vršenja drugih poslova iz njihovog djelokruga“.

To je moja primjedba. Drugo, ako bi se tražilo mišljenje da li je Odluka u skladu sa važećim propisima, to mišljenje trebala bi dati druga komisija, a to je Ustavna i zakonodavno-pravna komisija. Treće, ovaj Prijedlog Odluke nema obrazloženja. Četvrto, imali smo dosta vremena da ovo izučimo od nadležnost Ministarstva pravde, uvažene ministrice, i molim da ona danas kaže kako treba da se ponašamo kada su u pitanju imenovanja i razrješenja, kada je u pitanju član Vlade, premijer itd.



Svugdje u svijetu u parlamentarnoj praksi, u političkom životu u izvršnoj i zakonodavnoj vlasti gdje nema premijera, gdje je razriješen premijer ili je dao ostavku, tada Vlada pada, a mi ovom Odlukom ovo tumačimo na posebne načine. Znači, izvorno ovdje nemamo čovjeka, kvalificirane osobe da bi poslanicima mogli kazati na osnovu kojeg zakonskom propisa se temelji ovaj Prijedlog Odluke. Ja kao poslanik u Skupštini Bosansko-podrinjskog kantona Goražde neću podržati ovakav tekst Prijedloga Odluke.

**Vesna Nemec-Klisura** – zamjenica predsjedavajućeg Skupštine

Ko se dalje javlja za riječ?

**Halilović Adis** – Ne vidim razloga da se ovoliko priča o ovome. Kada govorim o ovoj Odluci, mislim da član 47. i 193. isključivo govori o nadležnostima Komisije koja je nadležna za smjenu Vlade. Nema potrebe da čitam odredbe Poslonika i da nema potrebe da o ovome raspravljamo.

**Vesna Nemec-Klisura** – zamjenica predsjedavajućeg Skupštine

**Mujagić Rasim** - Ovdje se s pravom može konstatovati da je g-din Kasim Brdar u pravu, ali pošto smo u škripcu sa vremenom i problemima u koje ćemo doći, moramo da zažmirimo i krenemo dalje. Ovdje ne možemo nikako kazati da smo u pravu i da je ovo sve išlo kako bi trebalo. Ovo je sve do sada bilo naopako i to priznamo, ali dobro onih ljudi koji čekaju da se nešto dobro riješi, mi moramo ići naprijed, i mislim da moramo naći kompromisno rješenje i da krenemo naprijed.

**Vesna Nemec-Klisura** – zamjenica predsjedavajućeg Skupštine

Zamolila bih sekretara da nam da nam da rješenje za ispravku preambule ove Odluke.

**Bašić Midhat** – sekretar Skupštine Bosansko-podrinjskog kantona Goražde

Primjedba poslanika Brdar Kasima je opravdana i on je u pravu. Preambula će biti popravljena, u skladu sa Poslovníkom.

**Vesna Nemec-Klisura** – zamjenica predsjedavajućeg Skupštine

Na osnovu Izvještaja Privremene Komisije za izbor i imenovanja, da pokušamo ovo privresti kraju. Znači, preambula prijedloga Odluke će biti uskladjena sa odredbama Poslovníka.

Sa ovim prijedlogom stavljam na glasanje Prijedlog Odluke o razrješenju sa funkcije.

Ko je za, molim, da digne ruku? /21 poslanik/

Ima li neko protiv? /Niko/

Da li se neko uzdržao od glasanja? /3 poslanika/

Konstatujem da je Skupština Bosansko-podrinjskog kantona Goražde sa 21 glasom „za“, niti jednim protiv i 3 „suzdržana“ glasa donijela Odluku o razrješenju sa funkcije.

**Vesna Nemec-Klisura** – zamjenica predsjedavajućeg Skupštine

Zamoliti ću g-dina Nazifa Uručija predsjedavajućeg Skupštine Bosansko-podrinjskog kantona Goražde da nastavi voditi ovu sjednicu.

**Uruči Nazif** – predsjedavajući Skupštine

Prelazem da vodimo zajedničku raspravu o Prijedlogu Odluke o privremenom finansiranju Budžeta Bosansko-podrinjskog kantona Goražde za period 01. 01. do 31. 03. 2011.

godine, Prijedlogu Odluke o davanju saglasnosti na Odluku o privremenom finansiranju Zavoda zdravstvenog osiguranja Bosansko-podrinjskog kantona Goražde za period 01. 01. do 31. 03. 2011. godine i Prijedlogu Odluke o davanju saglasnosti na Odluku o privremenom finansiranju J.U. Službe za zapošljavanje Bosansko-podrinjskog kantona Goražde za period 01. 01. do 31. 03. 2011. godine, a da se pojedinačno izjašnjavamo, ako se slažete.

#### **Tačka 8., 9. i 10.-**

Prelazimo na na rad po 8-moj tački dnevnog reda: Prijedlog Odluke o privremenom finansiranju Budžeta Bosansko-podrinjskog kantona Goražde za period 01. 01. do 31. 03. 2011. godine, 9-toj tački dnevnog reda: Prijedlog Odluke o davanju saglasnosti na Odluku o privremenom finansiranju Zavoda zdravstvenog osiguranja Bosansko-podrinjskog kantona Goražde za period 01. 01. do 31. 03. 2011. godine, i 10-toj tački dnevnog reda: Prijedlog Odluke o davanju saglasnosti na Odluku o privremenom finansiranju J.U. Službe za zapošljavanje Bosansko-podrinjskog kantona Goražde za period 01. 01. do 31. 03. 2011. godine.

Otvaram raspravu po ovim tačkama dnevnog reda.

Pošto se niko ne javlja za riječ, zaključujem raspravu i stavljam na glasanje: Prijedlog Odluke o davanju saglasnosti na Odluku o privremenom finansiranju Budžeta Bosansko-podrinjskog kantona Goražde za period 01. 01. do 31. 03. 2011. godine.

Ko je za, molim, da digne ruku? /24 poslanika/  
Ima li neko protiv? /Niko/  
Da li se neko uzdržao od glasanja? /Niko/

Konstatujem da je Skupština Bosansko-podrinjskog kantona Goražde, jednoglasno, sa 24 glasa „za“, donijela Odluku o davanju saglasnosti na Odluku o privremenom finansiranju Budžeta Bosansko-podrinjskog kantona Goražde za period 01. 01. do 31. 03. 2011. godine.

Stavljam na glasanje Prijedlog Odluke o davanju saglasnosti na Odluku o privremenom finansiranju Zavoda zdravstvenog osiguranja Bosansko-podrinjskog kantona Goražde za period 01. 01. do 31. 03. 2011. godine.

Ko je za, molim, da digne ruku? /24 poslanika/  
Ima li neko protiv? /Niko/  
Da li se neko uzdržao od glasanja

Konstatiram da je Skupština Bosansko-podrinjskog kantona Goražde, jednoglasno, sa 24 glasa „za“ donijela Odluku o privremenom finansiranju Zavoda zdravstvenog osiguranja Bosansko-podrinjskog kantona Goražde za period 01. 01. do 31. 03. 2011. godine.

Stavljam na glasanje Prijedlog Odluke o davanju saglasnosti na Odluku o privremenom finansiranju J.U. Službe za zapošljavanje Bosansko-podrinjskog kantona Goražde za period 01. 01. do 31. 03. 2011. godine.

Ko je za, molim, da digne ruku? /24 poslanika/  
Ima li neko protiv? /Niko/  
Da li se neko uzdržao od glasanja? /Niko/

Konstatujem da je Skupština Bosansko-podrinjskog kantona Goražde, jednoglasno sa 24 glasa „za“ donijela Odluku o davanju saglasnosti na Odluku o privremenom finansiranju J.U. Službe za zapošljavanje Bosansko-podrinjskog kantona Goražde za period 01. 01. do 31. 03. 2011. godine.

## **Tačka 11.-**

Prelazimo na 11-tu tačku dnevnog reda: Priprema za narednu sjednicu Skupštine.

Po ovoj tački bi se trebali dogovoriti o pripremama za narednu sjednicu i da je planiramo, obzirom da bi se do kraja godine trebali razmatrati: Rebalans Budžeta BPK-a Goražde i vanbudžetskih fondova, a dostavljeni su nam.

**Bašić Midhat** – sekretar Skupštine Bosansko-podrinjskog kantona Goražde

U okviru pripreme za održavanje nastavka konstituirajuće sjednice Skupštine, samo da vas obavijestim da je Centralna izborna komisija tražila da se dostavi akt gdje se reći da je istekao rok za prijavu i apliciranje kandidatskih listi za Dom naroda Parlamenta Federacije Bosne i Hercegovine. Prelažem Skupštini da donese odluku kojom će se reći da je završen rok za dostavljanje listi za Dom naroda.

**Urući Nazif** – predsjedavajući Skupštine

Obzirom da smo se svi oko ovoga složili, mislim da možemo donijeti Zaključak da Skupština konstatuje da su istekli rokovi za dostavljanje kandidatskih listi za Dom naroda Parlamenta Federacije Bosne i Hercegovine, zaključno sa današnjim danom.

**Mujagić Rasim** – Predlažem da ovaj Zaključak, kojeg ćemo donijeti glasi do današnjeg dana, a ne sa današnjim danom. Znači, nema više predavanje listi danas poslije 14 sati. To je vrlo bitno da napomenemo.

**Urući Nazif** – predsjedavajući Skupštine

Najvažnije da smo saglasni šta treba učiniti.

Zaključak bi glasio: Zaključno sa 23. decembrom 2010. godine u 14 sati ističe rok za dostavljanje kandidatskih listi za Dom naroda Parlamenta Federacije Bosne i Hercegovine, iz konstitutivnih naroda.

**Mujagić Rasim** – Ovo je stav Skupštine i ovaj zaključak važi za sve.

**Bašić Midhat** – sekretar Skupštine Bosansko-podrinjskog kantona Goražde

Predlažem da zaključak glasi: Skupština Bosansko-podrinjskog kantona Goražde, na osnovu člana 109. Poslovnika Skupštine Bosansko-podrinjskog kantona Goražde /“Službene novine Bosansko-podrinjskog kantona Goražde“, broj: 10/08/, donosi slijedeći:

### **Z a k l j u č a k**

Zaključno sa 23. decembrom 2010. godine u 14 sati ističe rok za dostavljanje kandidatskih listi za Dom naroda Parlamenta Federacije Bosne i Hercegovine, iz reda konstitutivnih naroda.

**Mujagić Rasim** – Ne možemo kazati konstitutivnih naroda. Centralna izborna komisija jasno i precizno je kazala da to bude kraj za sve, znači i Ostalih. Definitivno je za Centralnu izbornu komisiju zatvorena mogućnost predavanja kandidatskih listi za Dom naroda Parlamenta Federacije Bosne i Hercegovine.

**Žuga Damir** – Predsjedavajući, bio je prijedlog poslanika Mujagića, kao što ste vi rekli, samo je na kraju tražio da ostane za sve. Dakle da od danas od 14 sati nema niko više pravo

prijedloga za Dom naroda iz ovog Parlamenta, za sve poslanike, to se podrazumijeva, svi konstitutivni narodi i Ostali. Bio je i prijedlog od poslanika Frašta gdje je tražio da to bude samo za konstitutivne narode. Znači, ako nam se ukaže mjesto Ostalih da oni mogu poslije aplicirati. Iskoristit ću priliku i da kažem da posljednja naša sjednica u ovoj godini bude 30. 12. 2010. godine i da isti dan pokušamo završiti proceduru oko Doma naroda i da završimo proceduru oko rebalansa budžeta, a po mogućnosti, još jednom apelujem na izborne pobjednike, da predlože mandatara.

**Kurtović Mustafa** – Izborni Zakon i Uputstvo o izboru delegata u Dom naroda je sasvim jasan, i da ovo što je doktor predložio, imajući u vidu da može doći do predlaganja i kandidata iz reda Ostalih, da se u ovoj jedinstvenoj odluci kaže da je predlaganje kandidatskih listi iz konstitutivnih naroda završeno danas do 14 sati, a iz reda Ostalih, ukoliko se ukaže potreba, prema Izbornom zakonu i prema Uputstvu za izbor u Dom naroda, da se mogu predlagati te liste.

**Borović Mensud** – Izborni Zakon Bosne i Hercegovine u članu 20. tačka 16. a. jasno govori kojim kantonima, koliko mjesta i iz kog naroda pripada i on stariji od svake naše odluke koju bi mi ovdje donijeli. U njemu jasno stoji da našem Kantonu pripadaju tri pozicije u Domu naroda, po jedna iz reda Bošnjačkog, Srpskog i Hrvatskog naroda. Iz reda Ostalih nema. Uputstvo govori da u prvom krugu izbora za Dom naroda Bosansko-podrinjski kanton se treba da drži ove formule. Možda će se desiti drugi krug, a to se u Uputstvu jasno kaže u kojim slučajevima. Tada Centralna izborna komisija dostavlja kantonima da izaberu broj delegata u Domu naroda koji nedostaju, ako ih nisu delegirali kantoni kojim to izvorno pripada. Mi to odlukom ne možemo spriječiti. Ako bude potrebno nas će Centralna izborna komisija obavijestiti, a to ćemo birati po njihovom obavještenju, a nikako prije.

#### **Uruči Nazif – predsjedavajući Skupštine**

Predlažem samo da u predloženi zaključak dodamo još, u prvom krugu.

Pošto se niko više ne javlja za riječ, zaključujem raspravu po ovoj tački dnevnog reda i predlažem da donesemo slijedeći:

Zaključno sa 23. decembrom 2010. godine u 14 sati ističe rok za dostavljanje kandidatskih listi za Dom naroda Parlamenta Federacije Bosne i Hercegovine, iz reda konstitutivnih naroda, u prvom krugu.

Ko je za predloženi zaključak, molim da digne ruku? /24 poslanika/  
Ima li neko protiv? /Niko/  
Da li se neko uzdržao od glasanja?

Konstatujem da je Skupština Bosansko-podrinjskog kantona Goražde, jednoglasno, sa 24 glasa „za“ donijela slijedeći:

#### **Z a k l j u č a k**

Zaključno sa 23. decembrom 2010. godine u 14 sati ističe rok za dostavljanje kandidatskih listi za Dom naroda Parlamenta Federacije Bosne i Hercegovine, iz reda konstitutivnih naroda, u prvom krugu.

**Mujković Dževida** – S obzirom na predstojeće praznike iskoristit ću ovu priliku i svim građanima i onima koji slave Božić poželim sretan i čestit Božić, a takodjer, ispred Socijaldemokratske partije BiH želim čestitati svim građanima Novu godinu.

**Vesna Nemeć-Klisura** – Kao poslanica, imam prijedlog prema skupštinskom rukovodstvu. Predložila bih zaključak da Komisija za budžet, finansije i administrativna pitanja Skupštine Bosansko-podrinjskog kantona Goražde, u što skorijem roku održi sjednicu i završi sve poslove po zahtjevima poslanika u Skupštini Bosansko-podrinjskog kantona Goražde.

Iskoristila bih priliku obraćajući se i svim građanima Bosansko-podrinjskog kantona Goražde Katoličke vjeroispovjesti da i ja čestitam Božić. Čestit Božić svim građanima koji slave ovaj praznik, da ga proslave zajedno sa svojim prijateljima, komšijama i svim najdražim.

Ispred vjerske institucije koja postoji u ovom Kantonu uputila bih poziv rukovodstvu ove Skupštine da prisustvuju prijemu koji će biti organizovan u 11 sati u subotu, u Katoličkoj crkvi i da čestitamo Božić pripadnicima Katoličke vjeroispovjesti.

**Uruči Nazif** – predsjedavajući Skupštine

Kao predsjedavajući Skupštine Bosansko-podrinjskog kantona Goražde, u ime Skupštine Bosansko-podrinjskog kantona Goražde, svim građanima Bosansko-podrinjskog kantona Goražde Katoličke vjeroispovjesti čestitam nastupajući Božić, želim im dobro zdravlje i dug život, kao i svim građanima Bosansko-podrinjskog kantona Goražde novogodišnje praznike i obećavamo da ćemo intezivno raditi u interesu građana Bosansko-podrinjskog kantona Goražde.

G-dji Milović svi poslanici i poslanice žele brz oporavak.

Pošto je dnevni red iscrpljen predsjedavajući Skupštine zaključio je sjednicu u 14:30 sati.

**SEKRETAR SKUPŠTINE**

Bašić Midhat

**PREDSJEDAVAJUĆI  
KONSTITUIRAJUĆE SJEDNICE SKUPŠTINE**

Begović Alija

**Z A M J E N I C A  
PREDSJEDAVAJUĆEG SKUPŠTINE**

Vesna Nemeć Klisura

**PREDSJEDAVAJUĆI SKUPŠTINE**

Uruči Nazif